KUTABARUKU: MBUNDA MSOKILE 1950-1995*

M.M. Mulokozí
Taasisi ya Uchunguzi wa Kiswahili
Chuo Kikuu cha Dar es Salaam


Taasisi ya Uchunguzi wa Kiswahili (TUKI) ya Chuo Kikuu cha Dar es Salaam iliivutiwa na juhudi za Mbunda katika utunzi na taaluma, na mwezi Aprili mwaka 1979 ikamwajiri kama Mkuunzi Msaidizi chini ya mpango wa kuazimwa kutoka Wizara ya Elimu. Mwezi Aprili

* Tunawashukuru Bw. Walter M. Mbunda, mdogo wa Marehemu Mbunda Msokile, na Mkurugenzi wa Matibaa ya Chuo Kikuu cha Dar es Salaam (DUP), kwa kutapatia baadhi ya taarifa zilizomo katika tabaruku hii.

Licha ya majukumu mazito ya kiuchapishaji aliyoukuwa nayo, Mbunda aliendelea na shughuli yake ya utunzi na uandishi wa makala. Alifululiza kuandika vitabu vya taaluma, insha, makala ya magazetini, riwaya na visa.

Si nia yetu kufanya tathmini ya machapisho yake ya kisanaa na kitaaluma katika kumbukizi hii. Tuwezalo kulisema hapa ni kwamba kama ipo "fasihi pendwa" yenye uzito, basi hadithi za Mbunda zastahiki kupewa heshima hiyo.

Dhamira kuu za hadithi za Mbunda hushu migogoro ya kinyumba, hususan matatizo ya ndoa na uasherati (riwaya ya Dhlhaka ya Mume), matatizo ya mapenzi miongoni mwa vijana wanaoanza kubalehe (hadithi fupi mbalimbali), matatizo ya kukua kwa miji na vijana wasio na kazi (Usiku Utakapokwisha), rushwa na ufisadi wa wakubwa, kusalitiwa kwa Uhuru, na haja ya kupigania "Ukombozi wa Pili" (Thamani ya Bukubwa na Pambazuko). Maandishi ya Mbunda ni rahisi kueleweka, yana mvuto kwa wasomaji wa kawaida, yanagusa nafsi kihisia, yanasisimua, na yanachokonoo masuala na kuelimisha.

Mbunda alikuwa ni mwalamu na mwenezaji wa taaluma ya juu kwa Umma. Katika maandishi yake ya kitaaluma, kama katika hadithi zake, alijari kuwasiliana na wasomi wanaoinukia, wanafunzi na waliimu na shule za sekondari, wanafunzi wa vyoo vikuu, na wananchi kwa jumla. Aliliandikia kundi la watu ambalo kwa kawaida halishughulikiwi vilivyovu na wataalamu wetu.

Uhamisho wa Mbunda kutoka TUKI kwenda DUP ulikuwa na athari moja nzuri ambayo haikukusudiwa: ulimtoa katika kifungo cha masharti ya uanataaluma wa kidahahania na kumruhusu kutumia vipaji na utaaluma wake kuwahudumia wale waliouhitaji zaidi. Alijikuta akiwa kiungo kati ya akademzia na Umma. Ujuzi wake wa ualimu aliendelea kuutumia kuelimishia na kueneza maarifa mapya kwa umma kwa kipindi chote kifupi cha maisha yake.

Katika kiwango cha kitaifa, Msokile aliwakilisha hamu ya Tanzania ya kujiambulisha na kujieleza kitaifa na kitamaduni. Daima aliandika katika lugha ya Kiswahili, na hivyo kuchangia katika ukuzaaji wa Kiswahili kama lugha ya fasihi na taaluma za juu. Labda alielewa kuwa utambulisho na heshima ya taifa lolote lile imefungamana na lugha. Na hii ni kweli ambayo kwa bahati mbaya wasomi wengi wa Kifrika hawajabaini.

Hatuzezi kutoa hapa orodha ya machapisho na maandishi yote ya Mbunda Msokile kwa kuwa maandishi yake bado yanakusanywa. Hivyo orodha ifuatayo ni sehemu tu ya hazina kubwa aliyotachia:

**Hadithi za Kubuni**

1. Pambazuko (EAPH 1975)
2. Dhlhaka ya Mume (Meza Publications 1979)
3. Thamani ya Ukubwa (Meza Publications 1979)
5. Usiku Utakapokwisha (DUP 1990)

Hatukufanikiwa kupata orodha kamili ya visa (hadithi fupi) alivyovitunga: tunakadiria kuwa havidungu 50.
Maandishi ya Kinadharia

1. Fasihi Simulizi ya Mtanzania (na wenzake, TUKI)
2. Uhakiki wa Vitabu vya Fasihi (na wenzake)
3. Misingi ya Hadithi Fupi (DUP, 1992)
4. Historia na Matumizi ya Kiswahili (EPD, 1992)
5. Kunga za Fasihi na Lugha (EPD 1992)
6. Misingi ya Uhakiki wa Fasihi (EAEP, Nairobi, 1993)

Bado tunajaribu kukusanya na kuorodhesha kazi zake za kitaaluma.

Miongozo ya Fasihi

1. Jianda na Fasihi: Kidato cha Sita (EPD hakijatoka)
2. Uhakiki na Uchambuzi wa Lina Ubani (DUP 1991)
3. Uhakiki na Uchambuzi wa Karibu Ndani (DUP 1991)
4. Uhakiki na Uchambuzi wa Harusi (DUP 1991)
5. Uhakiki na Uchambuzi wa Fungate Uhuru (DUP 1991)
6. Uhakiki na Uchambuzi wa Riwaya, Kidato cha 4 (DUP 1993)
7. Uhakiki na Uchambuzi wa Ushairi, Kidato cha 4 (DUP 1993)
8. Uhakiki na Uchambuzi wa Tamthillya, Kidato cha 4 (DUP 1993)

Miswada

1. Miongozo ya Lugha na Fasihi: Mashairi ya Cheka Cheka
2. Fasihi Simulizi: Mbinu na Misingi Yake
3. Ngoma ya Wanyama (hadithi ya watoto)
4. Miongozo ya Lugha na Fasihi: Mashetani na Ushuhuda wa Mifupa.
5. Mashaka ya Sungura (hadithi ya watoto)
6. Jogoo Mfalme wa Ndoto (hadithi ya watoto)

Apumzike kwa amani
Mashairi
Tukutane Katikati

Panda mlima nishuke
Panda mlima nishuke
Tukutane katikati

Jogoo limesha wika
Na tembe linatetea
Dume nalo linatamba
Na mtamba acharuka

Umeshashuka bondeni
Na maji umeyateka
Nami niko kilimani
Mkuki nimeushika
Na kibuyu cha maziwa

Panda mlima nishuke
Shuka mlima nipande
Tukutane katikati

Halafu tufuatane
Halafu tushikamane
Hadi kule kileleni
Wewe na mtungi wako
Mimi na kibuyu changu

Ndipo maji ya uzima
Uyatose niyaoge
Nami maziwa ya ne'ma
Niyarusha uyameze:
Tunywe pamoja mpenzi
Hayano ndiyo maisha!

M.M. Mulokozi
1994

Nduli

Uchuro: Waangamiza dunia!
Kihoro: Wapata wenywe kuzaa!
Inda: Wachukia wenywe raha!
Machela: Wabeba watu wazima
Wingu: Waziba mwanga wa jua!
Ilani: Watangaza kuwa fofo!

M.M. Mulokozi
1994
Wapanda Mlima

Tulianzia bondeni
Kunako jua jekundu
Tuliupanda mlima
Kwa hatua za haraka
Kwa pumzi za hakika
Nguvu zikiongezekwaka
Uwezo ukizidikika
Vifu vikipanuka
Kadiri tunavyopanda

Tumefika kileleni
Kwenye jua la utosi
Tumevuka makorongo
Tumekwea majabali
Sasa twasimama juu
Ya chini twaangalia

Nyuma twaona hatua
Zinapotea bondeni
Mbele twaona hatua
Zinapotea bondeni

Juu ni moto wa jua
Na bahari ya samawi
Ni shani kuangalia

Sasa twavaa miwani
Na kubadili kofia
Twaanza kuteremka
Huku twavuta hatua
Tunapumua kwa shida
Nguvu zinatufifia
Vifu vina pungua
Kadiri tunavyoshuka
Kuelekea bondeni
Kwenye ukingo wa kiza

M.M. Mulokozi
1995